

РАҲБАРИЙ ҲУЖЖАТ

**“ҲУДУДИЙ ЭЛЕКТР ТАРМОҚЛАРИ” АЖДА ХАРИД
КОМИССИЯСИННИНГ ФАОЛИЯТИНИ ТАШКИЛ ЭТИШ ВА ЭНГ
ЯХШИ ТАКЛИФЛАРНИ ТАНЛАШ ТАРТИБИ ТҮҒРИСИДАГИ НИЗОМ
ПОЛОЖЕНИЕ ОБ ОРГАНИЗАЦИИ ДЕЯТЕЛЬНОСТИ ЗАКУПОЧНЫХ
КОМИССИЙ И ПОРЯДКЕ ОТБОРА ЛУЧШИХ ПРЕДЛОЖЕНИЙ В
АКЦИОНЕРНОМ ОБЩЕСТВЕ «РЕГИОНАЛЬНЫЕ ЭЛЕКТРИЧЕСКИЕ
СЕТИ»**

“Ҳудудий электр тармоқлари” АЖ

Тошкент

I

СҮЗ БОШИ

1 ИШЛАБ ЧИҚАРГАН ВА КИРИТГАН:

Марказий бухгалтерия ва молия бошқармаси

2 ТАСДИҚЛАДИ ВА АМАЛГА КИРИТДИ:

“Худудий электр тармоқлари” АЖнинг ____ йил “____” ____ даги
____ -сонли буйруғи билан

3 БИРИНЧИ МАРТА КИРИТИЛИШИ

МУНДАРИЖА

1. Қўлланиш соҳаси	4
2. Умумий қоидалар	4
3. Харид комиссияси фаолиятини ташкил этиш	6
4. Танлашда қатнашиш учун иштирокчиларга рухсат беришни ташкил этиш	8
5. Танлашни ўтказишга тайёргарлик	9
6. Энг яхши таклифларни танлаш тартиби	11
7. Танлаш натижаларини расмийлаштириш	15
8. Якуний қоидалар	16



РАҲБАРИЙ ҲУЖЖАТ

“ХУДУДИЙ ЭЛЕКТР ТАРМОҚЛАРИ” АЖДА ХАРИД КОМИССИЯСИННИГ ФАОЛИЯТИНИ ТАШКИЛ ЭТИШ ВА ЭНГ ЯХШИ ТАКЛИФЛАРНИ ТАНЛАШ ТАРТИБИ ТҮҒРИСИДАГИ НИЗОМ

ПОЛОЖЕНИЕ ОБ ОРГАНИЗАЦИИ ДЕЯТЕЛЬНОСТИ ЗАКУПОЧНЫХ КОМИССИИ И ПОРЯДКЕ ОТБОРА ЛУЧШИХ ПРЕДЛОЖЕНИЙ В АКЦИОНЕРНОМ ОБЩЕСТВЕ «РЕГИОНАЛЬНЫЕ ЭЛЕКТРИЧЕСКИЕ СЕТИ»

Жорий этиш санаси

ҚЎЛЛАНИШ СОҲАСИ

Ушбу Низом Ўзбекистон Республикасининг “Давлат харидлари тўғрисида”ги Қонуни (кейинги ўринларда – Қонун), Ўзбекистон Республикаси Президентининг 2019 йил 5 декабрдаги “Давлат харидлари тизимини янада такомиллаштириш ва давлат харидлари жараёнига тадбиркорлик субъектларини кенг жалб қилиш чора-тадбирлари тўғрисида”ги ПҚ-4544-сон Қарори билан харид комиссиясининг фаолиятини ва энг яхши таклифларни танлаш тартибини белгилайди.

УМУМИЙ ҚОИДАЛАР

1. Энг яхши таклифларни танлаш (кейинги ўринларда – танлаш) – харид қилиш тартиб-таомилларининг рақобатли тури бўлиб, қуйидаги давлат харидларида қўлланилади:

1.1 Давлат томонидан ҳимоя қилиниши лозим бўлган шахсларнинг хавфсизлигини таъминлаш, Ўзбекистон Республикаси мудофаа қобилиятини, хавфсизликни таъминлаш ва ички тартибни сақлаш учун, шунингдек давлат сирлари билан боғлиқ бўлган ҳолларда;

1.2 Қонун ҳужжатларида назарда тутилган бошқа ҳолларда;

1.3 Мазкур Низом Ўзбекистон Республикаси Президентининг 2018 йил 22 январдаги ПҚ-3487-сонли “Хўжалик жамиятлари ва стратегик аҳамиятга эга корхоналар фаолиятини қўллаб-куватлаш чора-тадбирлари тўғрисида”ги Қарори билан белгиланган стратегик харид қилувчилар учун тавсиявий характерга эга.

2. Танлаш йўли орқали харидларни амалга оширишдан олдин давлат харидлари бўйича махсус ахборот порталида эълон жойлаштиради. Бунда эълонда харид комиссияси томонидан таклифларни қабул қилиб олишнинг ўн кундан кам бўлмаган сўнгги муддати ҳамда Ўзбекистон Республикасининг «Давлат харидлари тўғрисида»ги Қонунининг 52-моддасида назарда тутилган ахборот бўлиши керак.

3. Харид комиссиясининг танлаш бўйича баёнини у расмийлаштирилган куни давлат харидлари бўйича махсус ахборот порталида икки иш куни муддатга жамоатчилик муҳокамасига жойлаштиради.

4. Давлат харидлари доирасида тузилган шартномалар тўғрисида маълумотларни улар тузилган санадан бошлаб уч иш кундан кечиктирмасдан белгиланган тартибда давлат буортмачилари билан тузилган шартномалар реестрига киритиш керак.

5. Танлаш бўйича техник топшириқ қонунчиликка мувофиқ, “Ўзбекистон Республикаси Иқтисодий Тараққиёт ва камбағалликни қисқартириш вазирлиги хузуридаги “Лойиҳалар ва импорт контрактларини комплекс экспертиза қилиш маркази” ДУК билан келишилиши керак.

6. Танлаш билан бир қаторда, қонунчиликка мувофиқ бошланғич нархни пасайтириш учун ўtkaziladigан аукцион ёки электрон дўкон орқали товарларни (ишларни, хизматларни) сотиб олиш хуқуқига эга.

7. Танлаш жараёнида қуйидагиларга йўл қўйилмайди:

7.1 танлаш иштирокчиларини (кейинги ўринларда – иштирокчи) камситиши, бошқа иштирокчиларга зиён етказиш ҳисобига бир иштирокчига имтиёз ёки енгилликларни тақдим этиш;

7.2 манфаатлар тўқнашуви, харид комиссияси аъзоларида иштирокчилар билан аффилланганлик хусусиятига эга алоқаларнинг мавжудлиги;

7.3 иштирокчиларга таъсир ўтказиш, иштирокчиларнинг танлашда иштирок этиши тўғрисидаги ахборотни ошкор қилиш, уларнинг сонини асосиз чеклаш ёки уларнинг малакасига қўйиладиган талабларни асосиз ошириш, рақобатга йўл қўймаслик, уни чеклаш ёки бартараф этишнинг бошқача шакллари, қонунчиликда белгиланган ҳоллар бундан мустасно;

7.4 иштирокчилар томонидан таклиф этилган нархларни ёки иштирокчиларни танлаш натижаларини бузиб кўрсатиш мақсадида олдиндан тил бириктириш;

7.5 ишончсиз ёки бузиб кўрсатилган маълумотларни тақдим этиш ёки тарқатиш, шунингдек, танлаш тўғрисидаги маълумотлардан фойдаланишни асосиз чеклаш;

7.6 технологик ва функционал жиҳатдан бир-бири билан боғлиқ бўлмаган товарларни (ишларни, хизматларни) танлаш объектига киритиш;

7.7 давлат харидларини амалга оширишнинг рақобатли усулларидан қочиши мақсадида харидлар ҳажмини қисмларга ажратиш;

7.8 фирибгарлик, сохталаштириш ва коррупциянинг юзага келиши.

8. Буюртмачи мустақил равишда ёки ихтисослаштирилган ташкилотни жалб қилган ҳолда танлаш ўтказиш хуқуқига эга.

ХАРИД КОМИССИЯСИ ФАОЛИЯТИНИ ТАШКИЛ ЭТИШ

9. Танлашни амалга ошириш учун тоқ сонли аъзолардан (камида беш кишидан) иборат харид комиссияси тузилади.

10. Харид комиссияси аъзоларининг таркиби ва сони сотиб олинаётган товарларнинг (ишларнинг, хизматларнинг) хусусиятларини ҳисобга олган ҳолда ўзгариши мумкин.

10.1 харид комиссияси таркибига хизмат кўрсатувчи тијорат банки ва мустақил эксперт ташкилотлари вакилларини, буюртмачининг юқори турувчи ташкилотлари, шунингдек бошқа вазирлик ва идоралар вакилларини жалб қилишга ҳақлидир.

11. Лойиҳа фаолияти доирасида танлашни ўтказишида харид комиссиясининг функцияларини ўрнатилган тартибда ташкил этиладиган лойиҳани амалга ошириш гурухи бажаради, мазкур гурух танлаш натижалари тўғрисида қарор қабул қиласди.

12. Харид комиссиясининг ҳар бир аъзоси “маъқуллаб”, “қарши” овоз бериши ёки овоз бермаслиги мумкин. Харид комиссияси раиси овоз беришда иштирок этишдан бош тортиш ҳуқуқига эга эмас.

13. Харид комиссияси мажлислари очик шаклда ўтказилади. Энг яхши таклифларни электрон шаклда танлашда, харид комиссияси мажлисларининг онлайн тарзда ўтказилишига йўл қўйилади ва комиссия аъзоларига шахсий кабинетлар очилади.

14. Қарор харид комиссияси аъзолари умумий сонининг қўпчилик овози билан қабул қилинади.

15. Танлаш иштирокчилари таклифларини (кейинги ўринларда – таклиф) кўриб чиқиш ва баҳолаш натижалари баённомада қайд этилади ва харид комиссиясининг барча аъзолари томонидан имзоланади. Баённомадан кўчирма маҳсус ахборот порталида эълон қилинади.

16. Баённома қўйидаги маълумотларни ўз ичига олиши шарт:

16.1 таклифларини кўриб чиқиш санаси, вақти ва баҳолаш тўғрисидаги;

16.2 харид комиссиясида иштирок этаётган аъзолар таркиби тўғрисидаги;

16.3 таклифлари кўриб чиқилган иштирокчилари тўғрисидаги;

16.4 таклифлари уларни рад этишнинг аниқ сабаблари кўрсатилган ҳолда рад этилган танлаш иштирокчилари тўғрисидаги;

16.5 танлаш ғолиби ва зарур ҳолларда захирадаги ғолиб ҳақида қабул қилинган қарор тўғрисидаги;

16.6 танлаш ғолиби ва зарур ҳолларда захирадаги ғолиб тўғрисидаги маълумотлар (юридик шахслар учун – ташкилотнинг номи, жисмоний шахслар учун – фамилияси, исми ва отасининг исми).

ТАНЛАШДА ҚАТНАШИШ УЧУН ИШТИРОКЧИЛАРГА РУХСАТ БЕРИШНИ ТАШКИЛ ЭТИШ

17. Инсофсиз ижрочиларнинг ягона реестрига киритилмаган талабгорларгагина танлашда иштирок этишлариға йўл қўйилади.

18. Қайта ташкил этиш, тугатилиш ёки банкротлик босқичида бўлмаган бўлса.

19. Банкротлик тартиб-қоидалари жорий этилмаган бўлса.

20. Солиқлар ва бошқа мажбурий тўловларни тўлаш бўйича кечикирилган қарзларга эга бўлмаган ҳолларда.

21. Буюртмачи томонидан белгиланган талаблар барча талабгорлар учун бир хил бўлиши лозим.

22. Танлаш ўтказилаётганда, корхона танлаш ўтказилиши тўғрисидаги эълонни маҳсус ахборот порталида, шунингдек хохишига кўра - оммавий ахборот воситаларида ва/ёки ўзининг электрон сайтида, эълон қилиши ва барча маълумотларни бир вақтда жойлаштиради.

ТАНЛАШНИ ЎТКАЗИШГА ТАЙЁРГАРЛИК

23. Танлаш ташкил этилаётганда буюртмачи маҳсус ахборот порталида, шунингдек буюртмачининг хохишига кўра – оммавий ахборот воситаларида ва/ёки ўз сайтида танлашни ўтказиш тўғрисидаги эълонни иштирокчиларнинг таклифларини қабул қилиш муддати тугайдиган санадан камидан 10 (ун) кун олдин жойлаштиради.

24. Танлаш тартиб-таомилларининг мураккаблигига қараб, буюртмачи танлашни ўтказиш тўғрисидаги эълонни узоқ муддатга жойлаштиришга хақлидир.

25. Ўзбекистон Республикаси Вазирлар Маҳкамаси томонидан белгиланган ҳолларда, агар харидлар тўғрисидаги шартнома давлат сирини ташкил этувчи обьектга, шунингдек, давлатнинг мудофаа қобилияти ва хавфсизлигини таъминлаш учун стратегик аҳамиятга эга бўлган обьектга нисбатан тузилган бўлса танлаш ёпиқ шаклда амалга оширилади.

Танлашни ёпиқ шаклда ташкил этишда буюртмачи таклифни камидан иккита потенциал иштирокчига юборади.

26. Танлашни эълон қилиниши ва/ёки танлашда иштирок этиш учун таклиф қуидаги маълумотларни ўз ичига олиши керак:

маҳсулот (иш, хизмат) нинг батафсил тавсифи;

танлаш ўтказиладиган жой манзили;

иштирокчиларга қўйиладиган талаблар;

иштирокчилар билан боғланиш учун боғланувчи шахс сифатида белгиланган буюртмачининг бир ёки бир нечта мансабдор шахслари ёки бошқа ходимларининг тўлиқ исми, лавозими ва манзили;

танлаш ҳужжатлари қоидаларини тушунтириш учун сўров бериш шакли;

таклифларни тақдим этиш муддати тугайдиган сана ва вақт;

таклифларни расмийлаштиришга доир талаблар.

Танлашда иштирок этиш учун эълон ва/ёки таклиф қонун ҳужжатларига зид бўлмаган бошқа маълумотларни ҳам ўз ичига олиши мумкин.

27. Товарларнинг (ишларнинг, хизматларнинг) тавсифига аниқ товар белгисига ёки номига, патентга, конструкцияга ёки моделга, у мансуб бўлган муайян манбага ёки ишлаб чиқарувчига доир талаблар ёки ҳаволалар киритиласлиги керак, бундан товарларнинг (ишларнинг, хизматларнинг) хариди хусусиятларини таърифлашнинг бошқа етарлича аниқ усули мавжуд бўлмаган ҳоллар мустасно ва бунда товарларни (ишларни, хизматларни) бошқа бир ишлаб чиқарувчининг эквивалент товарлари (ишлари, хизматлари) билан алмаштириш имконияти тўғрисидаги эслатма киритилиши керак.

28. Корхона томонидан иштирокчиларга шартнома тузиш ва/ёки шартнома мажбуриятларини бажариш бўйича мажбуриятларнинг бажарилишини таъминлайдиган депозитлар ёки банк кафолатларини киритишни талаб қилишга ҳақлидир.

29. Танлаш ҳужжатлари қуидагиларни ўз ичига олади:

танлаш эълонида кўрсатилган ахборот;

шартнома нархини ва ижрочилар билан ҳисоб-китобларни шакллантириш учун фойдаланиладиган валюта, тўлов тартиби ва етказиб бериш шартлари тўғрисидаги ахборот;

танлашда иштирок этиш учун таклиф қайси тилда тайёрланиши кераклиги талаби;

иштирокчиларига танлаш ҳужжатлари қоидаларига доир тушунтиришларни тақдим этиш тартиби, тақдим этиш муддати бошланадиган ва тугайдиган сана;

техник топширик;

баҳолаш мезонлари ва иштирокчиларнинг таклифларини Қонунга мувофиқ кўриб чиқиш тартиби.

30. Харид комиссияси мажлисда танлаш ҳужжатлари лойиҳасида:

- таклифларни қабул қилиш муддатини;
- таклифларни кўриб чиқиш тартибини;
- таклифларни баҳолаш мезонларини;
- таклифни киритиш тартиби, шунингдек уни таъминлашнинг хажми ва шаклини;

ўртacha ҳисоблаш нархини кўриб чиқади ва белгилайди.

Ўртacha ҳисоб-китоб нархи ўтган даврларда етказиб бериш ёки консалтинг компаниялари томонидан тақдим этилган нархлар асосида аниқланади. Ўртacha ҳисоб-китоб нархи даражаси тўғрисидаги маълумотлар иштирокчиларининг танлаш натижаларини сарҳисоб қилинишига қадар маълум қилинмайди.

31. Харид комиссияси танлаш ҳужжатлари келишилганидан кейин танлаш ўтказиш тўғрисида қарор қабул қиласди.

32. Танлаш ҳужжатларида камчиликлар аниқланган тақдирда, аниқланган камчиликлар бартараф этилгандан кейин харид комиссияси томонидан такроран келишилиши лозим.

Шу билан бирга, савдо оферентларига юборилган танлаш ҳужжатларига ўзгартишлар киритишга йўл қўйилмайди.

33. Буюртмачи харид комиссияси томонидан келишилган танлаш хужжатларини ўз имзоси ва зарур ҳолларда ташкилот муҳри билан тасдиқлайди.

34. Танлаш хужжатларида буюртмачи ҳар бир товар (иш, хизмат) алоҳида лот сифатида кўрилишини эълон қилиши мумкин. Бундай ҳолда, буюртмачи турли лотларнинг товарларини (ишларини, хизматларини) етказиб бериш учун бир нечта иштирокчилар билан шартномалар тузиши мумкин, бунда ҳар бир лот учун битта ғолиб ва зарур ҳолларда заҳирадаги ғолиб аниқланади.

35. Тасдиқланган танлаш хужжатлари ва шартнома лойиҳаси маҳсус ахборот порталига, шунингдек буюртмачининг хоҳишига кўра - унинг расмий веб-сайтида ёки унинг юқори турувчи органи веб-сайтида, шунингдек оммавий ахборот воситаларида танлаш ўтказиш тўғрисидаги эълон билан бирга жойлаштирилади.

ЭНГ ЯХШИ ТАКЛИФЛАРНИ ТАНЛАШ ТАРТИБИ

37. Танлашда иштирок этиш учун иштирокчи танлаш ўтказиш тўғрисидаги хабарномада ва танлаш хужжатларида белгиланган муддатда ҳамда ёзма шаклда танлашда иштирок этиш учун таклиф тақдим этади. таклифлар муҳрланган конвертларда тақдим этилади.

Агар танлашда иштирок этиш учун таклифлар тақдим этиш муддати тугаган вақтда фақат битта таклиф тақдим этилса ёки бундай таклиф тақдим этилмаган бўлса, танлаш амалга ошмаган деб ҳисобланади.

Танлаш харид комиссияси томонидан таклифлар тақдим этиш муддати тугаган вақтда танлаш иштирокчиларидан танлаш хужжатларида кўрсатилган талабларга жавоб берадиган камида икки таклиф олинган бўлса, ўтказилган деб ҳисобланади.

Келиб тушган таклифлар харид комиссияси томонидан кўриб чиқилади. Танлаш иштирокчилари танлаш хужжатлари билан белгиланган талабларга жавоб бермайдиган, шу жумладан ўртacha ҳисоб-китоб нархидан юқори бўлган ёки нотўғри маълумот берган нарх бўйича таклифлар бекор қилинади ва уларнинг таклифлари баҳоланмайди.

38. Кўрсатилган санадан кейин қабул қилинган таклифлар кўрилмайди ва иштирокчиларига конвертлар очилмаган ҳолда қайтарилади. Иштирокчи таклифларни қабул қилиш охирги санасидан камида 3 кун олдин ўз таклифини қайтариб олиш хукуқига эга.

39. Иштирокчиларнинг барча таклифлари танлаш ҳужжатларида кўрсатилган мезонлар асосида баҳоланиб, танлаш ўтказиш баённомасида қайд этилади.

Иштирокчиларнинг таклифларини баҳолаш муддати таклифни кўриб чиқиш санасидан бошлаб беш кундан ошмаслиги керак.

Истисно тариқасида иштирокчиларнинг таклифларини баҳолаш муддати бошқа қонун ҳужжатларида белгиланган талаблар асосида харид комиссияси томонидан белгиланади.

40. Иштирокчиларнинг таклифларини баҳолаш икки босқичда амалга оширилиши мумкин. Бунда, биринчи босқичда техник қисми, иккинчи босқичда эса нарх қисми баҳоланади.

41. Таклифларни баҳолашда қўйидаги баҳолаш усуллари қўлланилиши мумкин:

баҳолаш усули;

энг паст нарх усули;

якуний коэффициентни аниқлаш усули;

қиймат усули;

балл усули ва бошқалар.

42. Танлаш ўтказишида таклифларни баҳолаш усули ва мезонлари харид ҳужжатлари таркибида эълон қилинади.

43. Таклифларни кўриб чиқиш ва баҳолашда баҳолаш усулидан фойдаланганда, харид комиссияси аъзоларининг кўпчилик қисми, ҳар бир баҳолаш мезонлари бўйича таклифларни кўриб чиқишида, иштирокчининг ҳар бир таклифини муҳокама қилишда ва уларни бошқа таклифлар билан таққослашда ҳал қилувчи вазифани бажарадилар.

44. Энг паст нарх усули танлашнинг иккинчи босқичида қўлланилади. Биринчи босқичда энг яхши деб топилган таклифнинг шартлари сақланган ҳолда шартнома бажарилишининг энг паст нархини таклиф қилган иштирокчи танлаш ғолиби деб эълон қилинади.

Агар танлашнинг иккинчи босқичи натижалари бўйича фақат битта иштирокчи энг кам нархни таклиф қилса, у танлаш ғолиби деб эълон қилинади. Агар иштирокчиларнинг ҳеч бири энг паст нархни таклиф қилмаган бўлса, танлашнинг биринчи босқичида таклифи энг яхши деб топилган иштирокчи танлаш ғолиби деб эълон қилинади.

45. Якуний коэффициентни аниқлаш усулини қўллашда таклифлар сифат, нарх ва якуний коэффициентларни аниқлаш йўли билан баҳоланади. Якуний коэффициент таклифнинг сифат ва нарх бўйича мукаммалликка яқинлик даражасини белгиловчи битта рақамли кўрсаткич ҳисобланади. Энг юқори якуний коэффициентга эга бўлган иштирокчи танлаш ғолиби деб эътироф этилади.

46. Қиймат усулидан фойдаланиб иштирокчиларнинг таклифларини баҳолаш истисносиз барча баҳолаш мезонларини нарх бўйича баҳолашдан фойдаланиш имконияти мавжуд бўлган ҳолларда қўлланилади.

47. Балл усули қўлланилганда, иштирокчининг таклифи бўйича кўриб чиқилаётган ҳар бир мезон бир ёки ўн балли миқёсда баҳоланади. Шу мақсадда, табиий ўлчов бирликларида баҳоланаётган мезоннинг қиймати барча иштирокчилар учун уларнинг аҳамиятини камайтириш тартибида белгиланади. Мезоннинг энг ёмон қиймати бир балл, энг яххиси - ўн балл.

Мезоннинг бошқа қийматлари учун баллар жамланмаси харид комиссияси томонидан белгиланган талаблар асосида ҳисоблаб чиқилиб, натижаси бўйича энг кўп балл тўплаган иштирокчи Танлаш ғолиби деб топилади.

Агар иштирокчининг тўплаган баллари энг юқори бўлиб сифат жиҳатдан энг паст баҳоланса бунда харид комиссияси иштирокчиларнинг сифат жиҳатдан таклиф этган таклифлари инобатга олинади.

48. Танлаш давомида қуидаги мезонлардан фойдаланиш мумкин:

- нарх;
- сифат;
- етказиб бериш шартлари;
- етказиб бериш муддати;
- тавсифномалар ва сифат кўрсаткичлари;
- тўлов ва кафолатлар шартлари;
- муайян даврда фойдаланиш, эксплуатация қилиш ва таъмиrlаш харажатлари.

49. Якуний таклифларни таққослаш натижаларига кўра харид комиссияси танлов ғолибини аниқлади, шунингдек захира ғолибини аниқлаш хукуқига ҳам эга.

50. Агар ғолиб шартнома тузишдан ёки шартнома бўйича мажбуриятларни бажаришдан воз кечса ёки бошқача йўл билан бош тортса, шартнома тузиш ва унга доир мажбуриятларни бажариш хукуқи захирадаги ғолибга ўтади. Бунда захирадаги ғолиб, ғолиб томонидан таклиф этилган нархда шартнома тузади ёки шартнома тузишдан бош тортиши мумкин.

51. Танлаш амалга ошмаган деб топилган тақдирда буюртмачи ушбу Низомга мувофиқ янги танлаш ўтказади.

52. Танлаш электрон шаклда амалга оширилиши мумкин.

Бундай ҳолларда:

- танлаш электрон рақамли имзо ёрдамида амалга оширилади;
- иштирокчиларнинг таклифлари электрон тизимда улар учун очилган шахсий кабинет орқали тақдим этилади;
- танлаш ўтказиш тўғрисидаги эълонда кўрсатилган таклифлар бериш муддати тугагунга қадар иштирокчиларнинг таклифи харид комиссияси аъзоларига тақдим этилмайди;
- иштирокчиларнинг ўзаро муносабатлари электрон тизим орқали амалга оширилади;

ғолиб электрон тизим дастурий комплексидан олинган маълумотлар бўйича комиссия томонидан белгиланади;

иштирокчилар ўртасида ҳисоб-китоблар электрон харид қилиш тизимлари операторларининг ҳисоб-китоб марказлари орқали амалга оширилиши мумкин;

танлаш унда иштирок этган талабгорларнинг сонидан қатъий назар, ўтказилган деб эътироф этилади.

ТАНЛАШ НАТИЖАЛАРИНИ РАСМИЙЛАШТИРИШ

53. Шартнома танлаш ғолибининг якуний таклифини ҳисобга олган ҳолда, танлаш ҳужжатларида назарда тутилган муддатларда ва танлаш ҳужжатида назарда тутилган шартлар асосида тузилади.

Корхона томонидан танлаш ҳужжатларида шартнома тузиш шарти фақатгина ғолиб томонидан шартнома бажарилишини таъминлагандан сўнг қўйилиши мумкин.

54. Электрон харидлар бўйича тузилган шартномага ўзгартириш ва қўшимчалар киритиш ёки бундай шартномани бекор қилиш, томонларнинг ўзаро келишуви асосида амалга оширилади. Бунда, шартнома матнига ўзгартиш ва қўшимчалар киритишга қуйидаги ҳолларда йўл қўйилади:

нархларни ўзгартирмасдан юқори сифатли товар етказиб бериш;

унинг сифати ва эксплуатация қилиш хусусиятларини ёмонлаштирмасдан товар нархини пасайтириш;

товар етказиб бериш муддатини қисқартириш;

товар сотиб олиш, шартнома бўйича қўшимча ишлар ва хизматларни бажариш мақсадида шартноманинг дастлабки умумий нархининг ўн фоизидан ошмайдиган товар (иш, хизмат) ҳажмини ошириш.

Бунда ўзгартириш ва қўшимчалар корхона томонидан маҳсус ахборот порталига киритилади.

55. Шартномани бекор қилиш, томонларнинг маҳсус ахборот порталида шартномани бекор қилиш тўғрисидаги ахборотни жойлаштириш тўғрисидаги ўзаро розилиги билан амалга оширилади.

ЯКУНИЙ ҚОИДАЛАР

56. Комиссия аъзолари танлаш ўтказишда ўз фаолиятини Ўзбекистон Республикаси “Давлат харидлари тўғрисида” ги Қонунида белгиланган асосий принципларга қатъий риоя этган ҳолда амалга оширишлари шарт.

57. Харид комиссияси таркибига кирувчи шахслар қонун хужжатларида назарда тутилган жавобгарликка эга бўлиб, келиб тушаётган таклифларни ҳисобга олиш, уларнинг сақланиши ва маҳфийлиги, ахборотни ошкор этмаслик, жалб этилган эксперталар, иштирокчилари билан тил бириктиришга йўл қўймаслик, шунингдек бошқа ғайриқонуний ҳаракатлар учун жавобгар бўладилар.

58. Миқдорий, сифат ва техник параметрлар бўйича шартномани бажармаган танлаш ғолиби қонун хужжатларида ва / ёки шартномада назарда тутилган жавобгарликка тортилади.

59. Мазкур Низом талаблари бузилишида айбдор бўлган шахслар Қонун хужжатларида белгиланган тартибда жавобгар бўладилар.

АХБОРОТ МАЪЛУМОТЛАРИ

ИШЛАБ ЧИҚУВЧИ ВА УШБУ ҲУЖЖАТГА МАЪСУЛ ШАХС

“Марказий бухгалтерия ва молия бошқармаси”

Бош ҳисобчиси

V.Пиримкулов

КЕЛИШИЛГАН

**Бошқарув раисининг
биринчи ўринбосари**

R. Райимов

**Бошқарув раисининг
ўринбосари**

A.Аскarov

**Бошқарув раисининг
ўринбосари**

Д.Носиров

Электр тармоқларидан фойдаланиш**Бош бошқармаси**

Бошқарма бошлиғи

A.Ниматуллаев

Юриспруденция ва методология бошқармаси

Бошқарма бошлиғи

Х.Алламуродов

Иқтисодий таҳлил бошқармаси

Бошқарма бошлиғи

M.Майдинов

Капитал қурилиш бошқармаси

Бошқарма бошлиғи

M.Каримов

Стандартлаштириш ва методология бўйича

бош мутахассис

И. Ўринов